



ungahiktumit. Aknait ihumaaluyuktut ivaviminik ovalo kimaalaaktut kakligaagata. Paniit, ilaa avalitkumik, ikhilaitut ovalo ilaani kailaaktut. Piksaliugiagani omingamait unghiktumit, nakuuyumik piksaliukalutit.

Tuktut takulaaktut pulaakatakvimini ilaani. Hapkoa taivaktut “kikiktait tuktuut” ovalo ilaukatauyut kitkanit Kingaomit Tuktuut ovalo tamaliktut Peary Tuktuut nalvaakhimayut talvatuak ukiuktaktut kikiktaini. Mikitkiyayut ovalo niakuit aalangayut Kingaot tuktuunit, kihimi angitkiyayut ovalo taakiyauplutik Peary Tuktuunit. Hamna amigaitut nuutitivaktut keelinguyamit, ikaaktikhutik Coronation Tagiungani hikukut. Taimaimat, “kikiktait tuktuut” ayokhalaaktut ilaa, aalangulimat hilat, ilaa hikuligutait kinguligaagata.

Tigiganiat ovalo okaliit takulaaktut pulaakatakvimini. Hapkoa kakuktut ukiumi ovalo taakhivaktut auyami, ilaani takulaitut – kiniklugit nuutitigutait ovalo kituuyut umayut. Tigiat ovalo avingait takulaaktutlu pulaakatakvimini ovalo putuit ovalo ivaviit takulaaktut, ilaani ataani kingiktuit ovaluniit keeliniani imakaviit.

Auyami autlaagiagani pulaakatakvik tingmianik nakuutiaktuk. Nunait tahiuyait haniani ovalo iluani pulaakatakvik ikayuktut amigaitunik ivayunik ukiuktaktumi tingmiat ovalo apkotait tikilaaktait ivaviit nunainut. Kingutikaluni nakuuyumik, kungialaaktait olapkititlugit ovaluniit munagititlugit ivayainik. Ilangit hapkoa tingmiat kungialaaktut nanikiak nunakyuami ivatitlugit. Hapkoa ilangit tingmiat, tuuliit, mitiit, okpiit ovalo amigaitut hinaanit tingmiat, ilaayut *black bellied plover*, *red phalarope*, *ruddy turnstone*, *red knot* ovalo *sanderling*. Amigaitut tingmiat nuutitivaktut nigiganut, kihimi ilangit takulaaktait ihahimatitlugit. *Red phalarope*, ilaa, ukiuyuktut tagiumi, ilaani takuyulaitut ukiuktaktumi tagiungani. Apkotikut takuyaktugiagani ivaviit *red phalarope* nakuutiaktuk.

Tuuliit ovalo maligiit, kuckyuit, aahangiit ovalo mitiit ivavaktut haniani tahiuyait. Hinaani tingmiat ivavaktut kitkani tahiuyait ovaluniit uyagaliani ovalo takulaaktut nigiyut makluni. *Black bellied* ovalo *golden plover* ivavaktut nunaini. *Red phalaropes* kaimaayakatut takulaaktut tagiuyani, nigititlugit umayuvaluinik itigaminut. Tatilgat kinikhiavaktut angmaumayumi nunaini, kinikhiaplutik avinganik. Ilaa angiyuumata, takulaaktut hapkoa angiyut tingmiat ovalo olapkitjutainik alianaktut. Okpiit ivavaktut mikiyuni kingiktuni ovalo umayukhiukpaktut tiganik ovalo avinganik. Kaalaat ovalo itigaliit ivavaktut kingiktuini kananangani Ovayok. Imitkutailat ivavaktut pulaakatakvimilu. Kiniklutit taaktumik tingmiamik, kimaapkaiyut nauyanik ovaluniit ivayunik okpinik. Akilgiit amigaitut ukiuk tamaat, kihimi ikilivaktut ukiumi. Hapkoa nigivaktut ilanganik napaaktuvaluit.

Ovayok ikitunik nunauyakatut kihimi amigaitut hapkoa takulaaktut Julyumi. *Purple mountain saxifrage*, *mountain avens*, *cushion oxytrope*, *arctic poppies*, ovalo *moss campion* takulaaktut kingiktut haniani ovalo uyagaliani. *Arctic white heather*, *large-flowered lousewort*, *woolly lousewort*, ovalo *mountain sorrel* amigaitut haniani kingiktuit ovalo *purple bladder campion*, *bistort*, ovalo uviluit imaktumini nunaini.

AUTLAAGUTIKHAIT PULAAKATAKVIMI

Pikaktut 22nik km apkotauyakhait Ovayok Nunavumi Pulaakatakvik. Tamamik talimat apkotauyait naunaiyakhimayut namanik ovalo kalanik naunaiyautaliit ovalo ukautikatut naunaiyautait, malilaaktut titigagutainik maligitikhait makpigaat, kihimi kaangani aalangukhimaitut ovaluniit paknaiyakhimaitut, ilaa pulaaktut atukuyut nakuuyunik kaminik. Naituk *Aalatkiit Ukiut Apkotauyait* tikilaaktut hivulianik apkotauyakhainik, itigutainik nigiganani, ataani kingiktuit ovalo hanianuulugit ingilgaat tupikvigaluit, piguyaviit ovalo utakiviit, *taluit*, nani Inuit utakivaktut utiktugutikhainik tuktuut. *Tulimaak Apkotauyait* tikitiniaktut pulaakatakvimut nigiganani ataani kingiktuit ovalo kaimalulugit malguuk mikiyut tahiit. Omingmait takulaaktut hamani nunaini. *Tulimaak* ovalo ukaktut haninaganiitut kingikuit kulaani – “tulimaat inukyuat.” Hamna apkotauyait katitipaktait naitumik *Neakoa Apkotauyait*, autlaaktut nigiganut amigaitunut ingilgaat nunagaluit hinaani angiyut tahiit, amigaituliit tupikvinik. *Ovayok Apkotauyait* kaanganuuktuk nigiganani kingiktuit ovalo kaimalugiktait kanga, takulaaktut nakuutiaktumik ataani ovalo haniani “inukyuap tulimaat” ilanganut. Nakuutiaktut kungiagiagani

kaalaanik, itigaliit, tuktut ovalo omingmait. Takinikhaa apkotauyak (8mik km.) *Neakoa Kingmitkuplu Apkotauyait*, tikilaaktut kananagani *Neakoa Apkotauyainit* nigীগани pulaakatakvik. Kaimalugiyait kingiktuit ataani ovalo ilauliktut *Ovayok Apkotauyait* kitkani kingiktuit, kaanganut. Hamna apkotauyait nakuutiaktuk pihugiagani malgunik ublunik, hiniktaklutik Neakoani.

Ovayok Nunavumi Pulaakatakvik Maligutikhait Makpigaat ikayulaaktut kinikhiatjutainik pulaakatakvik ovalo pikatut nunaayanik ovalo nakuuyunik tuhagutikhainik ilauyut, katitigutait tingmiat, umayut ovalo nunauyat. Pilaaktut Ukiuktaktumi Hinaani Pulaakatakvik Havakviinut, Ikaluktutiami, tunilaaktut nakuuyunik tuhagutikhainik inminik kinguliit, kinguliit ovalo Inuit inuuviviniit Keelinimi, takupkailutik ingilgaat atugutikhainik, aanugaanik ovalo hanauyakhimayait ovalo nunauyat ovalo piksat takuyakhait. Takulaaktut

tuktut amiit kayait ovalo angiyuk *kudlik* kinguliani atukhimayuk numigutainik *igluini*. Angiyuk nunauyak takulaaktut atugutikhainik amigaitut kinikhihimayut Northwest Passage ikaakvikhainik tagiut. Inutukait katitivaktut kapitukhutik titigakviani ovalo pikaktut mikiyunik makpigaakakvimik. Pulaakatakvik havakviit havaktikatuk tamaat ukiumi, kihimi auyami angmaumainaktuk. Havakviini uakavikatuk atulaaktait pulaaktut.

Tuhafaagumaguvit **Ovayok Nunavumi Pulaakatakvik** ovalo Ukiuktaktumi Hinaani Pulaakatakvik Havakviit, takulugit Nunavumi Pulaaktiligiyit kagitauyakut takulvia hamani: www.nunavutparks.com, ovaluniit foniklugit akiitut Nunavumi Pulaaktiligiyit: 1-866-NUNAVUT apigiyaangani Nunavumi Autlaagutikhait Paknaiyautikhait, katitikhimayut tamamik laisinsikatut munagiyit, hiniktakviit ovalo ikayugutikhait. ■



NUNAVUMI PULAAKATAKVIIT OVALO NUTAAT NUNAIT

☎ 867.975.7700 ☎ 867.975.7747

parks@gov.nu.ca

www.nunavutparks.com

UKIUTAKTUMI HINAANI PULAAKATAKVIK HAVAKVIIT

☎ 867.983.2224

coasters@qiniq.com

NUNAVUMI PULAAKTILIGIYIT

☎ 866.NUN.AVUT ☎ 867.979.1261

(1.866.686.2888)

info@nunavuttourism.com

www.nunavuttourism.com



